

NAČELNIK UPRIILIČIO PRIJEM ZA GOSTE IZ IRANA

Autor gorazde.ba
četvrtak, 23 Juli 2009 07:20

U sklopu trodnevnog boravka u BPK-a, u srijedu 22.07.2009. delegacija Islamske Republike Iran, tačnije pokrajine Istočni Azerbejdžan, na čelu sa ambasadorom Irana u BiH, te predstavnicima grada Maragheh posjetila je i Općinu Goražde. Na prijemu koji je za njih upriličio Načelnik Općine Goražde Muhamed Ramović razgovarano je o historiji, kulturi i tradiciji Goražda i Maragheha, ali i o trenutnom stanju kao i planovima za budućnost.



Grad Maragheh je jedan od starijih gradova u pokrajini Istočni Azerbejdžan i trenutno u njemu živi preko 150 000 stanovnika, dok općina broji oko 250 000, a grad je poznat po izradi svilenih ćilima te fabrikama za sušenje voća. Posebana akcent u toku razgovora sa Načelnikom Općine Goražde Muhamedom Ramovićem, gosti su stavili na inicijativu za bratimljenjem ova dva grada, a kako je kazao Načelnik Ramović podržava pomenutu inicijativu te će pokrenuti proceduru za donošenje Odluke o bratimljenju Goražda i Maragheha, od strane Općinskog vijeća Goražde. Kako su istakli gosti su oduševljeni prirodnim ljepotama Goražda, kao i potencijalima za razvoj turizma na rijeci Drini, te je pomenuta mogućnost saradnje na razvoju turizma, ali i uspostavljanju privredne saradnje. U sklopu boravka u BPK-a delegacija iz Irana će posjetiti i općine Foča-Ustikolina te Pale-Prača.

